



Avannaata
Kommunia



Najugaqarfiit tassaarsuaqarsinnaasut

- Ikerasammi sillimanerunissaq pillugu ilitersuut



Tassaarsuaqarsinnaanera

2017-imi ajunaarnersuaqarnerani
sualummik Nuugaatsiaq
Illorsuit-Illu eqqugaammata,
Uummannap eqqaa
tassaarsuaqarsinnaaneranut
qaninnerusoq ersarissivoq.

2021-imi GEUS-imit
misissuinerit ersarissitippaa
ulorianartorsiorneq qanoq
annertutigisoq aamma
Uummannap nunaqarfiinut
tamanut tunngasuusoq.

Taamaattumik nunaqarfinni
tassaarsuaqarnissaanut
ulorianartorsiorfimmiipputit,
Karrat kangerluata kujataanit
Imaluunniit Kigarsimamit
qaqqat sisoorsinnaaneranit
pilersitsisumik.

Ersarissumik
oqaatigineqarsinnaanngilaq
qaqugukkut qaqqat
sisoorsinnaanerat
taamaattorli aallaavittut
oqaatigineqarsinnaavoq ullup
qanorilinera aamma ukiup
qanorilinera apeqqutaatinnagu
qaqqaq sisoorsinnaasoq.

Aamma ima isumaqarpoq, aatsaat
ukiorpassuit qaangiuppata
tassaarsuaqarsinnaasoq
taamaalilluni illit
ilaquttatilluunniit ajunaarnersuaq
misigissanngikkissi.

Taamaattorli qularutissaanngilaq
tassaarsuit annertoorujussuarmik
aserorterinissaat inunnullu
mallinik qaartaarfiusuniittuni
ulorianartorsiorfitsisinnaanerat.

Taamaattumik pingaaruteqarpoq,
najungaqarfigisanni
ulorianartorsiorfiusinnaasoq
paasiniaarlualuassallugu aamma
qanoq isumannaatumut
pisinnaanissat paasiniassallugu.

Tassaarsuaqalinnginnerani

Illoqatitit tassaarsuqalernerani piareersakkit

Tassaarsuaqalernissaanut ilimasaarisoqassapat illillu qarsutsiviusinnaasumiillutit uninngaguit, najugaqaruit, suliguit imaluunniit atuaruit piffik tamanna ingerlaannaq qimassavat. Qarsutsiviusinnaasoq qimassavat katersuuffissamullu ornigullutit.

Atisat nerisassat puiaasallunniit imermik imallit poortornissaanut piffissaqassanngilaq. Taamaattumik illugisanni ajunaarnersuaqalernerani poortukkamik piareersareersimanissaq isumassarsilluatsialaavoq, pisariaqarnerpaanik imaqtartussamik.

Ilaquttatit oqaloqatigikkit

Ilaquttatit oqaloqatiginerani pilersaarusiornermilu inoqutippit tamarmik ilisimassagaat tassaarsuaqassagaluarpat qanoq iliornissartik.

Taamaalilluni uippakajaartoqalernissaq annikillissaaq qulakkeerreqassallunilu illoqutigiit tamarmik eqqissimanerusumik eqqarsarnissaat taamaalillunilu ajunaarnersuup nalaani qisuariarnerat sukkanerussalluni.

Ajunaarnersuarmi pisariaqarnerpaanik poortugaq ukuninnga imaqtartariaqarpoq:


- Ikiueqqaarnermi karsi
- Radio imaluunniit VHF
- Qaammartartoq batteriilik
- Mobiili
- Imeq puiaasamiittoq
- Ukiup qanorilinera naapertorlugu atisassamaatit
- Ullut pingasunut nerisassat qillertuusaniittut (Imaanngilaq aatsaat ullut pingasut qaangiuppata ikiorneqassasutit. Taamaallat pisunut tamanut piareersimanissap qulakkeernissaa pineqarpoq)

Sumiiffiit isumannaatsut ilisimakkitt

Ataani nunap assingani Ikerasammi qarsutsiviusinnaasut killeqarfii, kiisalu nunaqarfimmi katersuuffissaq, atuarfik, takuneqarsinnaapput. Nunap assinganik tassannga ilisimasaqarnissat pingaartuuvoq.

Ulitsinersuaqarfik = Ajutoorluinnarfinni tassaarsuaqarnerani sumiiffiit eqqugaasussat.

Katersuuffik = Tassaarsuaqarnerata kinguningua innuttaasut tamarmik ornitassaat.



Ikerasak

-  **Iluliat**
Bygninger
-  **Ulitsinersuaqarfik**
Risikozone
-  **Katersuuffiit**
Samlingssted

Tassaarsuaqarnerata nalaani

Tassaarsuaqalissagaluarpat

Sissamiinnerni mallit assut nusutsippata sissamiit qimagutissaatit portunersamullu qimaallutit.

Inuit eqqanniittut kalerrickit.

Upalungaarsimasut politiillu tassaarsuaqalerneranik nalunaarutisigunik nunaqarfik kalerrisaariffiusaaq. Tassaarsuaqarnerani kalerritsikkuit qarsutsiviususaaq ingerlaannaq qimassavat.

Taamaattumik umiatsiat, inigisat, suliffiit atuarfilluunniit ernertumik qimassavat. Pigisatit allat qimassavatit naak annaassangaluarukkilluunniit.

Qassutsinersuup nalaaniikkunnaarlutit isumannaatsumiileruit nunaqarfiup katersuuttarfiata tungaanukarit, taanna nunap assingani qupp. 4-mi nalunaarsorsimavoq. Taamaalilluni kikkut ajunnginnersut imaluunniit maqaasisaqartoqarnerasoq upalungaarsimasut paasilluarnissaanut qulakkiissavaat.

Eqqaamallugu!

- Tassaarsuaq takuniarlugu sissamukanngilluinnarnissaq.
- Nammineq sissaliassanngilatit naak mallit tassaarsuaqarnerata kingorna nusutsikkaluarpata. Tassaarsuit malinnit arlalinnik malitseqartarput arlalinnillu malitseqarsinnaapput.
- Inuup arpassinnaanerani tassaarsuaq sukkanerusarpoq. Taamaattumik isumannaatsumut pinissat tikillugu portunersamukarit.

Tassaarsuaqarnerup kingorna

Isumannaatsumiigit

Tassaarsuaqarnerup kingorna sissaq nigorlugu ulorianartorsiorfik sapinngisaaq tamaat qimassavat tassaarsuaq siulleq amerlanernik anginersuarnillu malitseqarsinnaammat.

Nunaqarfinni kallerup inneranut attavik mobiilinullu attaveqaatit kipisinnaapput. Katersuuffiup eqqaani generatorimut ajornartorsiornermi atortartumut attavilernissaa periarfissaqarpoq taamaalillunilu kallerup inneqalissaaq kissartoqalissallunilu.

Angerlarsimaffissi nammineq kallerup inneqanngikkaluartoq kiassarsinnaagussiuk aammalu angerlarsimaffissi qassutsinersuup nalaaniingippat katersuuffik qimallugu angerlarsimaffissinnukarsinnaavusi ikiortissat nunaqarfimmut takkunnissaasa tungaanut. Katersuuffiusoq qimanngisaannaruk illit ilaquttavillu nalunaarsoqqaartussaammata. Taamaasilluni pisortat illit/ilissi ajunngitsusi ilisimaniassammassuk.

Ikiuisussat aggerput

Nunaqarfiit tassaarsuaqalissagaluarpasut ikiuisussat avataanit tikissapput. Kalaallit Nunaanni Politiit, Issittumi Sakkortooqarfik Avannaatalu Kommuniat Upalungaarsimasut ataatsimoorlutik nunaqarfimmut sukkanerpaamik nunaqarfimmiut pisariaqartitaannik ikiorneqassapput.

Pisariaqartinneqassappat illit ilaquttatillu nunaqarfimmit isumannaatsumut ingerlanneqassaasi.

Nunaqarfinni tassaarsuit pillugit paasissutissat sukumiinerusut:

Kommunip nittargaa takujuk
www.avannaata.gl/tsunami



Avannaata
Kommunia

www.avannaata.gl
(+299) 70 18 00